



Broj predmeta: 05-000529/22
Broj akta: 01.1-1528ZN-0145/24
Datum, 24.4.2024. godine
Mjesto, Brčko

Na osnovu člana 12. Odluke o utvrđivanju kriterija za raspodjelu stambenih jedinica u novoizgrađenoj zgradi pripadnicima Armije Republike Bosne i Hercegovine i Hrvatskog vijeća odbrane u Brčko distriktu Bosne i Hercegovine, broj predmeta: 05-000529/22, broj akta: 01.11-0323SR-142/24 od 17. 4. 2024. godine, na prijedlog Odjeljenja za zdravstvo i ostale usluge – Službe za bora-invalidsku zaštitu i civilne žrtve rata, gradonačelnik Brčko distrikta BiH objavljuje

JAVNI POZIV

ZA PODNOŠENJE PRIJAVA ZA STAMBENO ZBRINJAVANJE DODJELOM STANA U VLASNIŠTVO PRIPADNICIMA ARMIJE REPUBLIKE BOSNE I HERCEGOVINE U BRČKO DISTRIKTU BOSNE I HERCEGOVINE

Izdvajanjem sredstava iz

- budžeta Brčko distrikta Bosne i Hercegovine u iznosu od 50% (pedeset posto) i
 - budžeta Vlade Federacije Bosne i Hercegovine u iznosu od 50% (pedeset posto),
u Brčko distriktu Bosne i Hercegovine
- osigurano je ukupno 25 stambenih jedinica u novoizgrađenoj zgradi pripadnicima
Armije Republike Bosne i Hercegovine i Hrvatskog vijeća odbrane
u Brčko distriktu Bosne i Hercegovine
za stambeno zbrinjavanje korisnika prava, dodjelom stana u vlasništvo*

I. PREDMET JAVNOG POZIVA

Predmet Javnog poziva je dodjela **13 (trinaest)** stanova koji se nalaze u novoizgrađenoj zgradi u Brčko distriktu Bosne i Hercegovine pripadnicima **Armije Republike Bosne i Hercegovine** u Brčko distriktu Bosne i Hercegovine i to:

- a) stan broj 1 – u prizemlju;
- b) stanovi broj 2, 3 i 4 – I. sprat;
- c) stanovi broj 9, 10, 11 i 12 – II. sprat;
- d) stanovi broj 17, 18 i 19 – III. sprat;
- e) stanovi broj 20 i 21 – IV. sprat.

Navedeni stanovi dodjeljuju se u vlasništvo korisnicima prava bez naknade, zaključenjem ugovora u skladu s posebnim propisom, uz zabranu otuđenja i opterećenja stana u periodu od deset godina od dana zaključenja ugovora, uz zabilježbu te zabrane u zemljišnu knjigu.

II. PRAVO UČEŠĆA NA JAVNOM POZIVU

Pravo učešća na Javnom pozivu imaju lica sa utvrđenim statusom, bez obzira na trajanje ili prestanak drugih prava po utvrđenom statusu, po osnovu pripadnosti **Armiji Republike Bosne i Hercegovine**, i to:

- a) **porodice poginulih boraca odnosno šhida**
- b) **ratni vojni invalidi od I. do X. grupe**
- c) **demobilisani borci.**

Korisniku prava koji je bio pripadnik i Armije Republike Bosne i Hercegovine i Hrvatskog vijeća odbrane, ukupno vrijeme učešća u oružanim snagama se zbraja, te se takvo lice prijavljuje na Javni poziv u svojstvu pripadnika onih oružanih snaga u kojim je proveo duži vremenski period.

III. ZNAČENJE POJEDINIH POJMOVA

U skladu s Odlukom o utvrđivanju kriterija za raspodjelu stambenih jedinica u novoizgrađenoj zgradi pripadnicima Armije Republike Bosne i Hercegovine i Hrvatskog vijeća odbrane u Brčko distriktu Bosne i Hercegovine, broj predmeta: 05-000529/22, broj akta: 01.11-0323SR-142/24 od 17. 4. 2024. godine (u daljnjem tekstu: Odluka Vlade) pojedini pojmovi korišteni u ovom javnom pozivu imaju sljedeće značenje:

- a) **„Demobilisani borac“** je državljanin Bosne i Hercegovine, pripadnik 108./215. Viteške motorizovane brigade Armije Republike Bosne i Hercegovine (u daljnjem tekstu: ARBiH) ili 108. Pješačke brigade Ravne – Brčko Hrvatskog vijeća odbrane (u daljnjem tekstu: HVO) ili policije nadležnog organa unutrašnjih poslova, koji je učestvovao u pripremama za odbranu ili u odbrani Bosne i Hercegovine u periodu od 18. 9. 1991. do 22. 4. 1996. godine (u daljnjem tekstu: Oružane snage) u trajanju minimalno godinu dana;
- b) **„Ratni vojni invalid“** je državljanin Bosne i Hercegovine koji je, vršeći vojne dužnosti, druge dužnosti za ciljeve odbrane u sastavu Oružanih snaga, učestvujući u odbrani Bosne i Hercegovine kao pripadnik 108./215. Viteške motorizovane brigade ARBiH ili 108. Pješačke brigade Ravne – Brčko HVO, zadobio ranu, povredu, bolest ili je vršenje dužnosti uticalo na pogoršanje bolesti, pa je zbog toga nastupilo oštećenje njegovog organizma najmanje za 20% (u daljnjem tekstu: RVI);
- c) **„Poginuli borac odnosno šhida“** je lice koje je poginulo vršeći vojne dužnosti, druge dužnosti za ciljeve odbrane u sastavu Oružanih snaga, učestvujući u odbrani Bosne i Hercegovine kao pripadnik Oružanih snaga 108./215. Viteške motorizovane brigade ARBiH ili 108. Pješačke brigade Ravne – Brčko HVO;
- d) **„Podnosilac prijave u svojstvu porodice poginulog borca odnosno šhida“** je:
 - 1) bračni drug poginulog borca odnosno šhida, pod uslovom da nije zaključio drugi brak;
 - 2) djeca rođena u braku i van braka, usvojena djeca, kao i pastorčad poginulog borca odnosno šhida, ukoliko nema lica iz alineje 1) ove tačke;
 - 3) roditelji poginulog borca odnosno šhida, ukoliko nema lica iz alineja 1) i 2) ove tačke;
- e) **„Član porodice zajedničkog domaćinstva“** je lice koje sa podnosiocem prijave živi u zajedničkom domaćinstvu, i to:
 - 1) bračni odnosno vanbračni drug podnosioca prijave,
 - 2) njegova djeca rođena u braku i van braka, usvojena djeca, kao i pastorčad,
 - 3) roditelji podnosioca prijave.
- f) **„Zajedničko domaćinstvo“** je zajednica stanovanja, privređivanja i trošenja ostvarenih prihoda

podnosioca prijave i članova njegove porodice.

- g) „**Neriješeno stambeno pitanje**“ podrazumijeva da podnosilac prijave i članovi porodice zajedničkog domaćinstva nisu, niti su ikada bili upisani u zemljišne knjige kao vlasnici ili suvlasnici nad stambenim objektom, odnosno da se u katastarskim knjigama ne vode kao posjednici ili suposjednici stambenog objekta, na teritoriji Bosne i Hercegovine, izuzev u sljedećim slučajevima:
- 1) ukoliko podnosilac prijave i članovi porodice zajedničkog domaćinstva imaju suvlasnički ili suposjedovni dio nad jednim ili nad više stambenih objekata, uzimajući u obzir da veličina dijela ili dijelova podnosioca prijave i svih članova zajedničkog domaćinstva u suvlasničkom ili suposjedovnom dijelu nad stambenim objektima ne prelazi ukupno 15 m², jer se suvlasništvom ili suposjedom malog dijela stambenog objekta ne može smatrati da lice ima riješeno stambeno pitanje,
 - 2) ukoliko podnosilac prijave i članovi porodice zajedničkog domaćinstva imaju upisan vlasnički, suvlasnički, posjedovni ili suposjedovni dio nad stambenim objektom koji u naravi ne postoji.

IV. NAČIN RASPODJELE I TEHNIČKI STANDARDI STANOVA

Od **13 (trinaest)** stanova koji se dodjeljuju korisnicima prava po osnovu pripadnosti **ARBiH**, raspoređuju se na sljedeći način:

- a) porodicama poginulih boraca odnosno šehida – dodjeljuje se **četiri stana**,
- b) RVI – dodjeljuje se **četiri stana**,
- c) demobilisanim borcima – dodjeljuje se **pet stanova**.

U slučaju da nema podnosioca prijave iz reda porodice poginulog borca odnosno šehida ili RVI koji ispunjavaju opće i posebne kriterije utvrđene Odlukom Vlade, neraspoređeni stan će se dodijeliti podnosiocu prijave iz reda demobilisanog borca.

Tehnički standardi koje dodijeljeni stan mora ispuniti i veličina stana koji se dodjeljuje u vlasništvo u odnosu na ukupan broj članova porodice zajedničkog domaćinstva, uključujući i podnosioca prijave, su:

- a) za jednog člana minimalna stambena površina iznosi od 27 do 33 m²;
- b) za dva do tri člana minimalna stambena površina iznosi od 33 do 43 m²;
- c) za četiri člana minimalna stambena površina iznosi od 38 do 48 m²;
- d) za pet i više članova minimalna stambena površina iznosi od 44 do 57 m².

V. KRITERIJI ZA OSTVARIVANJE PRAVA NA STAMBENO ZBRINJAVANJE

I. OPĆI KRITERIJI

Opći kriteriji za ostvarivanje prava na stambeno zbrinjavanje dodjelom stana u vlasništvo korisniku prava su sljedeći:

- a) da podnosilac prijave ima utvrđen status porodice poginulog borca odnosno šehida, ili status RVI od I. do X. grupe ili status demobilisanog borca;
- b) da podnosilac prijave i članovi porodice zajedničkog domaćinstva imaju prebivalište na području Brčko distrikta BiH, uz uslov da podnosilac prijave ima prebivalište na području Brčko distrikta BiH u trajanju od najmanje sedam godina u momentu raspisivanja Javnog

poziva, uz mogućnost prekida do jedne godine;

- c) da podnosilac prijave i članovi porodice zajedničkog domaćinstva nemaju riješeno stambeno pitanje, odnosno da nemaju u vlasništvu, suvlasništvu, posjedu niti suposjedu stambeni objekat na teritoriji Bosne i Hercegovine, izuzev ukoliko imaju suvlasnički ili suposjedovni dio nad jednim ili nad više stambenih objekata, uzimajući u obzir da veličina dijela ili dijelova podnosioca prijave i svih članova zajedničkog domaćinstva u suvlasničkom ili suposjedovnom dijelu nad stambenim objektima ne prelazi ukupno 15 m², ili ukoliko imaju upisan vlasnički, suvlasnički, posjedovni ili suposjedovni dio nad stambenim objektom koji u naravi ne postoji;
- d) da podnosilac prijave i članovi porodice zajedničkog domaćinstva nisu bilo kojim pravnim poslom otuđili stan ili kuću na teritoriji Bosne i Hercegovine;
- e) da podnosilac prijave i članovi porodice zajedničkog domaćinstva nisu korisnici pomoći u izgradnji ili obnovi stambene jedinice ili da nisu bili korisnici kreditnih sredstava dodijeljenih za stambeno zbrinjavanje s bilo kojeg nivoa vlasti u Bosni i Hercegovini.

Na osnovu općih kriterija, koji su eliminatorski i obavezujući za sve podnosiocima prijave, utvrđuje se selekcija podnosilaca prijave na dodjelu stana prema kategorijama korisnika prava i tehničkim standardima.

Izuzetno, u nedostatku stanova koji odgovaraju tehničkim standardima u odnosu na broj članova porodice zajedničkog domaćinstva, stan koji se dodjeljuje u vlasništvo može odstupiti od tehničkih standarda, uz pismeni pristanak podnosioca prijave, čime se smatra da je podnosilac prijave riješio svoje stambeno pitanje.

Ukoliko se prilikom dodjele stana u vlasništvo, u bilo kojoj fazi, utvrdi da je podnosilac prijave dao netačne podatke u prijavi ili neistinite navode u izjavi, takva prijava se odbacuje.

• Dokazivanje ispunjavanja općih kriterija

Ispunjenje općih kriterija podnosilac prijave dokazuje sljedećom dokumentacijom, u originalu ili ovjerenjima kopiji:

a) za kriterij iz tačke a), alternativno jedan od sljedećih dokumenata:

- 1) rješenje ili drugi akt o utvrđivanju statusa porodice poginulog borca odnosno šehida, izdato od nadležnog organa ili
- 2) reviziono rješenje ili drugi akt o priznavanju statusa RVI po osnovu važećih federalnih propisa – za status RVI od I. do X. grupe, izdato od nadležnog organa ili
- 3) uvjerenje, rješenje ili drugi akt o utvrđivanju statusa demobilisanog borca, izdato od nadležnog organa.

b) za kriterij iz tačke b):

- 1) uvjerenje o kretanju, ne starije od šest mjeseci – za podnosioca prijave, koje izdaje Odjeljenje za javni registar;
- 2) uvjerenje o kretanju ili uvjerenje o prebivalištu, ne starije od šest mjeseci – za sve članove porodice zajedničkog domaćinstva, koje izdaje Odjeljenje za javni registar.

c) za kriterij iz tačke c):

- 1) dokaz o nepostojanju vlasništva nad stambenim objektom, odnosno suvlasništva nad stambenim objektom preko 15 m², koji glasi na ime podnosioca prijave i članova porodice zajedničkog domaćinstva, ne stariji od šest mjeseci, izdat od Osnovnog suda Brčko distrikta Bosne i Hercegovine – Zemljišnoknjižnog ureda (uvjerenje, potvrda, zk. izvadak i slično),
- 2) dokaz o nepostojanju posjeda nad stambenim objektom, odnosno suposjeda nad stambenim objektom preko 15 m², koji glasi na ime podnosioca prijave i članova porodice zajedničkog domaćinstva, ne stariji od šest mjeseci, izdat od Odjeljenja za javni registar (uvjerenje, potvrda, posjedovni list i slično),
- 3) ukoliko podnosilac prijave i članovi porodice zajedničkog domaćinstva imaju upisan vlasnički,

suvlasnički, posjedovni ili suposjedovni dio nad stambenim objektom koji unaravi ne postoji, prilaže svojeručno sačinjenu i potpisanu izjavu o nepostojanju u naravi takvog stambenog objekta, što je Prvostepena komisija dužna utvrditi izlaskom na teren uz prisustvo i postupanje lica geodetske struke;

- 4) potpisana izjava kojom podnosilac prijave potvrđuje da na teritoriji Bosne i Hercegovine on i članovi porodice zajedničkog domaćinstva nemaju u vlasništvu niti u posjedu stambeni objekat, nemaju suvlasnički ni suposjedovni dio nad stambenim objektom čiji ukupni udio prelazi 15m², te da u naravi ne postoji stambeni objekat na koji su upisani kao vlasnici, suvlasnici, posjednici ili suposjednici, ovjerena od nadležnog organa Brčko distrikta BiH;

d) za kriterij iz tačke d):

- 1) potpisana izjava kojom podnosilac prijave potvrđuje da on i članovi porodice zajedničkog domaćinstva nisu bilo kojim pravnim poslom otudili stan ili kuću na teritoriji Bosne i Hercegovine, ovjerena od nadležnog organa Brčko distrikta BiH;

e) za kriterij iz tačke e):

- 1) potpisana izjava kojom podnosilac prijave potvrđuje da on i članovi porodice zajedničkog domaćinstva nisu korisnici pomoći u izgradnji ili obnovi stambene jedinice ili da nisu bili korisnici kreditnih sredstava dodijeljenih za stambeno zbrinjavanje s bilo kojeg nivoa vlastiu Bosni i Hercegovini, ovjerena od nadležnog organa Brčko distrikta BiH.

Za objedinjenu Izjavu iz dokumentacije za dokazivanje ispunjavanja općih kriterija navedenoj u tački c) alineja 4), tački d) i tački e) propisan je obrazac Izjave (ANEKS I).

Radi dodatne provjere i utvrđivanja činjenica postojanja vlasništva i posjeda nad stambenim objektima na teritoriji Brčko distrikta BiH, u vezi sa dokumentacijom za dokazivanje ispunjavanja općih kriterija navedenoj u tački c), Prvostepena komisija prilikom postupanja po dostavljenim prijavama, ukoliko ocijeni neophodnim, radi razjašnjenja u vezi postupka izlaganja na javni uvid podataka o nekretninama, službenim putem će se obratiti Osnovnom sudu Brčko distrikta Bosne i Hercegovine – Zemljišnoknjižnom uredu i Odjeljenju za javni registar, a po potrebi vrši dodatne provjere i utvrđuje činjenice i izlaskom na teren.

2. POSEBNI KRITERIJI

Posebni kriteriji za ostvarivanje prava na stambeno zbrinjavanje dodjelom stana u vlasništvo korisniku prava služe za procjenu potreba podnosioca prijave na dodjelu stana u vlasništvo po prioritetima, te pomažu u odabiru korisnika prava na transparentan način, poštujući principe jednakopravnosti pristupu pravu na dodjelu stana u vlasništvo.

Posebni kriteriji za odabir korisnika prava odnose se na:

- a) brojnost članova porodice zajedničkog domaćinstva, kao i brojnost članova porodice zajedničkog domaćinstva sa utvrđenim statusom lica s posebnim potrebama;
- b) socijalni status;
- c) vrijeme provedeno u oružanim snagama;
- d) utvrđeni status članova porodice zajedničkog domaćinstva;
- e) utvrđeni procenat invalidnosti – za podnosioca prijave iz reda RVI od I. do X. grupe;
- f) priznanja i odlikovanja u ARBiH i odlikovanja Republike Hrvatske.

• Dokazivanje ispunjavanja posebnih kriterija

Posebni kriteriji dokazuju se sljedećom dokumentacijom, u originalu ili ovjerenoj kopiji:

a) za kriterij iz tačke a):

- 1) kućna lista podnosioca prijave sa članovima porodice u zajedničkom domaćinstvu, ovjerena od nadležnog organa;

- 2) rješenje o utvrđenom statusu lica s posebnim potrebama – za lica u zajedničkom domaćinstvu, izdato od nadležnog organa;

b) za kriterij iz tačke b):

- 1) dokaz o utvrđenom statusu korisnika socijalnih davanja, za podnosioca prijave i članove porodice zajedničkog domaćinstva, izdat od Odjeljenja za zdravstvo i ostale usluge, Pododjeljenja za socijalnu zaštitu (Centar za socijalni rad);
- 2) dokaz o nezaposlenosti za podnosioca prijave i punoljetne članove porodice zajedničkog domaćinstva, izdat od strane Zavoda za zapošljavanje Brčko distrikta Bosne i Hercegovine;
- 3) dokaz o zaposlenju i visini novčanih primanja za podnosioca prijave i punoljetne članove porodice zajedničkog domaćinstva, izdat od poslodavca;
- 4) dokaz o penzionisanju i visini penzije za podnosioca prijave i punoljetne članove porodice zajedničkog domaćinstva, izdat od strane nadležnog Zavoda za penzijsko i invalidsko osiguranje;

c) za kriterij iz tačke c):

- 1) uvjerenje kojim se dokazuje vrijeme provedeno u oružanim snagama u svojstvu RVI ili demobilisanog borca za podnosioca prijave, odnosno vrijeme provedeno u oružanim snagama za poginulog borca odnosno šehida, ukoliko je podnosilac prijave porodica poginulog borca odnosno šehida, izdato od nadležnog organa;

d) za kriterij iz tačke d):

- 1) kad je podnosilac prijave iz reda porodice poginulog borca odnosno šehida:
 - dokaz o utvrđivanju statusa poginulog borca odnosno šehida, za člana porodice koji je s podnosiocem prijave živio u zajedničkom domaćinstvu, izdat od nadležnog organa;
 - dokaz o utvrđivanju statusa demobilisanog borca u trajanju minimalno godinu dana, za člana porodice u zajedničkom domaćinstvu, uključujući i podnosioca prijave, izdat od nadležnog organa;
- 2) kad je podnosilac prijave iz reda demobilisanog borca:
 - dokaz o utvrđivanju statusa demobilisanog borca u trajanju minimalno godinu dana, za člana porodice u zajedničkom domaćinstvu, ne računajući podnosioca prijave, izdat od nadležnog organa;
- 3) kad je podnosilac prijave iz reda RVI:
 - dokaz o utvrđivanju statusa RVI po osnovu važećih federalnih propisa - za status RVI od I do X grupe, za člana porodice u zajedničkom domaćinstvu, ne računajući podnosioca prijave, izdat od nadležnog organa;
 - dokaz o utvrđivanju statusa demobilisanog borca u trajanju minimalno godinu dana, za člana porodice u zajedničkom domaćinstvu, ne računajući podnosioca prijave, izdat od nadležnog organa;

e) za kriterij iz tačke e):

- 1) dokaz o utvrđenom procentu invalidnosti podnosioca prijave iz reda RVI, izdat od nadležnog organa;

f) za kriterij iz tačke f):

- 1) dokaz o dodijeljenom priznanju i odlikovanju u ARBiH i odlikovanju Republike Hrvatske, koja glase na ime podnosioca prijave odnosno poginulog borca odnosno šehida, izdat od nadležnog organa.

Ispunjenje posebnih kriterija nije eliminatorno niti obavezujuće, već samo služi za dodatno bodovanje podnosioca prijave.

• Tablica vrednovanja posebnih kriterija

Prvostepena komisija će se u postupku rangiranja podnosilaca prijave rukovoditi tabelama vrednovanja posebnih kriterija.

Podnosilac prijave može biti bodovan po tabeli vrednovanja posebnih kriterija samo u okviru kategorije korisnika prava za koju je podnio prijavu, odnosno kao kategorija porodice poginulog borca odnosno šehida, kao kategorija RVI ili kao kategorija demobilisanog borca.

VI. PRIJAVA NA JAVNI POZIV

Dodjela stana u vlasništvo vrši se na osnovu podnesene Prijave na Javni poziv.

Prijava na Javni poziv, za svaku kategoriju korisnika prava posebno, podnosi se na utvrđenom obrascu (ANEKS III).

Objedinjena Izjava iz dokumentacije za dokazivanje ispunjavanja općih kriterija navedenoj u tački c) alineja 4), tački d) i tački e) podnosi se na utvrđenom obrascu (ANEKS I), ovjerenom od nadležnog organa.

Obrazac Prijave na Javni poziv i obrazac objedinjene Izjave mogu se preuzeti:

- u Službi za boračko-invalidsku zaštitu i civilne žrtve rata, pri Odjeljenju za zdravstvo i ostale usluge,
- na infopultu protokola Vlade Brčko distrikta BiH,
- na internet stranici Vlade Brčko distrikta BiH.

Uz popunjen obrazac Prijave na Javni poziv, u zatvorenoj koverti, prilaže se ovjeren obrazac objedinjene Izjave i ostala dokumentacija kojom se dokazuje ispunjavanje općih i posebnih kriterija.

Popunjeni obrazac Prijave na javni poziv, zajedno sa pratećom dokumentacijom, dostavlja se u zatvorenoj koverti na **protokol Vlade Brčko distrikta Bosne i Hercegovine**, Bulevar mira 1, 76100 Brčko distrikt BiH.

Prijava na Javni poziv naslovljava se na Prvostepenu komisiju za odabir korisnika prava na stan, putem Odjeljenja za zdravstvo i ostale usluge – Službe za boračko-invalidsku zaštitu i civilne žrtve rata, u zatvorenoj koverti, s naznakom:

„ZA JAVNI POZIV PRIPADNIKA ARBiH – NE OTVARAJ“

Prijava na Javni poziv koja nije podnesena na propisanom obrascu Prijave na Javni poziv (ANEKS III), **neće biti razmatrana**.

Prijava na Javni poziv uz koju nije podnesena objedinjena Izjava iz dokumentacije za dokazivanje ispunjavanja općih kriterija navedenoj u tački c) alineja 4), tački d) i tački e) na propisanom obrascu Izjave (ANEKS I), ovjerena od nadležnog organa, **neće biti razmatrana**.

Ukoliko uz Prijavu na Javni poziv ne bude dostavljena određena dokumentacija o kojoj nadležni organi javne uprave i institucije vode službenu evidenciju, Prvostepena komisija će istu **pribaviti po**

službenoj dužnosti.

VII. OBJAVLJIVANJE JAVNOG POZIVA

Javni poziv **traje 30 (trideset) dana od dana objavljivanja**, a objavljuje se na:

- a) oglasnoj ploči Vlade Brčko distrikta BiH,
- b) oglasnoj ploči Službe za boračko-invalidsku zaštitu i civilne žrtve rata, pri Odjeljenju za zdravstvo i ostale usluge,
- c) internet stranici Vlade Brčko distrikta BiH (www.vlada.bdcentral.net).

Prijave na Javni poziv zaprimljene nakon zatvaranja Javnog poziva **neće biti razmatrane**.

Rezultati odabira podnosilaca prijave na Javni poziv, prema kategorijama korisnika prava i strukturi stana (Preliminarne liste) bit će objavljeni na:

- a) oglasnoj ploči Vlade Brčko distrikta BiH,
- b) oglasnoj ploči Službe za boračko-invalidsku zaštitu i civilne žrtve rata, pri Odjeljenju za zdravstvo i ostale usluge,
- c) internet stranici Vlade Brčko distrikta BiH (www.vlada.bdcentral.net).

VIII. PODACI O KONTAKT-OSOBI

Za dodatne informacije po ovom Javnom pozivu, zainteresovana lica mogu se obratiti kontakt-osobi:

Mujo Mustafić

Tel. +38749/218-550

Služba za boračko-invalidsku zaštitu i civilne žrtve rata

adresa: Trg pravde broj 4 (u krugu bivše kasarne)

E-mail: mujo.mustafic@bdcentral.net

DOSTAVLJENO:

1. Za oglasnu ploču:
 - a) Vlade Brčko distrikta BiH,
 - b) Odjeljenja za zdravstvo i ostale usluge
- Služba za boračko-invalidsku zaštitu i civilne žrtve rata,
2. Odjeljenju za zdravstvo i ostale usluge
- šefu Odjeljenja,
- Službi za boračko-invalidsku zaštitu i civilne žrtve rata,
3. Kabinetu gradonačelnika,
4. Evidenciji,
5. Arhivi.

